



Inatsisartuni Ilaasortaq  
Harald Bianco

Maani/her.

**§ 37 imm. 1 malillugu apeqqummut nr. 21-mut, Ittoqqortoormiit eqqaanilu aarrinik piniarnermut tunngasumut akissuteqaat.**

28. jan 2011  
Sagsnr. 2011-045078  
Dok. Nr. 552289

Aalisarnermut, Piniarnermut Nunalerinermullu Naalakkersuisoqarfiup (APNN), 19. januar 2011 Harald Bianco-mit (Inuit Ataqtigiit) aqutsisoqarfimmi Ittoqqortoormiini aarrinik piniarneq pillugu allakkamik tigusaqarpoq. Allagaq uanga Naalakkersuisoqarfinni § 37 imm. 1-tut akisassanngortinneqarpoq.

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

Apeqqummut 1-mut:

Ilumoorpoq Avannersuarmi piniartut aarrinik arnavissanik piaqqisartunik piniarsinnaatitaammata, takuuk *Namminersornerullutik Oqartussat aarrit illersugaanerit piniagaanerallu pillugu nalunaarutaat nr. 9, 5. juli 2006-imeersoq*. Tamanna peqquteqartinneqarpoq Qaanaap eqqaani piniarneq upernaakkut sikuartami, sikulluunniit saannertaani ingerlanneqartarmat, tamaanilu aarrit aningaasaqarnermut qangalu ileqqutoqqanut pingaaruteqarlunnarnerat. Najooqutassaq tamanna ilanngunneqarpoq taamani Qaanaaq kommuneusup tunarniaanermut akissuteqaataa aallaavigalugu.

Ukiut siulii marluk aqutsisoqarfimmi Ittoqqortoormiini aarrinik pisassiissutit 13-nik (2009) 11-nillu (2010) amerlassuseqartarsimapput. Ukiuni taaneqartuni pisanik immikkut nalunaarsuiffiit malillugit aarrit 3-t (2009) 6-illu (2010) pisarineqartarsimapput. Nalunaarutigineqarsimanngilaq pisaasuni aarrit piaqqat ilaatinneqarnerisut. Paasissutissaqartoqarpallu pisimanngisatsinnik pissarsiarinissaat soqutigaagut.

Avannersuarmi aarrinik piaqqisartunik piniartoqarsinnaatitaaneranut tunngavilersuutaasut, kiisalu pisanik nalunaarsukkat aallaavigalugit Naalakkersuisut tungaanniit siunertarineqanngilaq nalunaarutip atuuttup maannakkut allanngortinneqarnissaa.

Inussiarnersumik inuulluaqqusillunga  
Med venlig hilsen

Ane Hansen